



**POLELO EA MOHLOMPHEHI TONA-KHOLO, DR MOEKETSI MAJORO  
MABAPI LE KENTELO EA COVID-19 LIBAKENG TSA TŠEBETSO 'MOHO LE  
LIHLAHLOBO MALIBOHONG.**

**MANTAHA LA 03 PHEREKHONG, 2022**

**MASERU, LESOTHO**

## [Litumeliso]

**Sechaba ba heso**, ke hlaha ho lona mantsibueng a kajeno ho tla le qhatsetsa lintho tse peli, e leng **boemo** ba **litšoaetso** tsa kokoana-hloko ea Corona le **kentelo** ea teng, ekasita le **mokhoa o mocha** oa lihlahlobo malibohong.

## **Boemo ba Litšoaetso le Kentelo ea Covid-19**

**Basotho ba heso**, boemo ba litšoaetso tsa kokoana-hloko ea Covid-19 naheng ea rona bo nyolohile haholo matsatsing ana. Litšoaetso li nyolohetse ho 2,654 ho tloha ho 48 libekeng tse `ne tse fetileng. Ha re e sheba ka mokhoa o mong, sekhahla sa litšoaetso se nyolohetse ho 9% ho tloha ho 0.9%, e leng hore litšoaetso li imenahantse ha leshome ho tloha mafelong a khoeli a Pulungoana.

Leha litšoaetso li nyolohile ha kana, bokulo le mafu tsona li bonahala li fokola. Sekhahla sa bakuli ba kenang le ho sebelisa libethe litsing tsa bophelo ha sea fetoha hakalo (5% to 6%).

Kentelo ea kokoana-hloko ena e nyolohetse ho batho ba likete tse makholo a robeli le mashome a mararo (**830,128**), e leng 42% ea Sechaba sohle sa Basotho kapa kaholimonyana ho halofo ea lenane leo Lekala la Bophelo le rerileng hore le tla entoa (Batho ba 1.6 million, **52%**). Hosale-joalo, re se re entile bana be liketse li peli le makholo a mahlano (2,500) ba lilemo tse leshome le metso e `meli ho isa ho tse leshome le metso e supileng.

Ka lebaka la boemo bona boo ke seng ke bo hlalositse, ha ho phetoho ea letho `maleng oo re leng ho ona o moputsoa, `me re itsoella-pele ka lipehelo tseo re seng re li tloaetse. **Taba ea bohlokoa e tlamehang ho re hlakela bohle ke hore liente lia sebetsa, `me re Naha re tlameha ho phethela matšolo a rona a liente ka nako e khutšoanyane.** Linaha tse li se li bile ntse li inahaela mekhahlelo e maloa ea liente (boosters).

Ka hona ke phatlalatsa kajeno liphetoho tse latelang matšolong a liente.

***Lekhotla la Matona le ananetse geto ea hore bahiri bohle ba etse bonnete ba hore basebetsi bohle ba fumane liente. Mona re kenyeletsa 'Musu, Litsi tsa 'Musu, libaka tsa Khoebo le Litsi tse ikemetseng.***

***Batho bohle ba tla hloka litšebeletso litsing tsohle tsa bophelo batla li fumana ha feela ba bontša bopaki ba ho entela kokoana-hloko ea Corona. Sena re se etsa ka lebaka la litšoaetso tse phahameng haholo tsa basebeletsi ba bophelo matsaing.***

Ha ke feta nke hlalose hore ho na batho ba ferekanyang Sechaba ka hore `musu o etsa liqeto tsa Covid ka thoko ho molao. Ke rata ke hona ho le supisa, sechaba sa heso, melao e tšehetsang liqeto tsa `musu toantšong ea kokoana-hloko ena. Melao ena e kenyeletsa **Molao oa Motheo oa Lesotho, Khaolo 4 (1) (a), 27 (1) (c), le 30.**

**Disaster Management Act ea 1997. 4 (a).**

**Public Health Act ea 1970: 43 (1) (c):**

***Tšebeliso ea Rapid Antigen-Test Malibohong:***

Naha tsa Lesotho le Afrika Boroa li lumellane ho kenya tšebetsong ho hlahlobela Covid-19 ka **Rapid Antigen Test** le ho sebelisa bopaki ba lihlahlobo tse joalo bakeng sa ho tšela malibohong ohle a linaha tsena tse peli.

Tšebetso e tla qala ka Labobeli la 4 Pherekhong 2022. Tšebetso ena etla etsahala ka hore Lesotho letla hlahloba batho bohle ba hlahang Afrika-Boroa ho tšelela Lesotho le ho ea hona Afrika Boroa malibohong ka **Antigen test**. Afrika Boroa le eona e tla tsoela-pele ho hlahloba ka Antigen ena ha batho ba ea Afrika Boroa ho hlaha Lesotho le ha ba kena Lesotho ho hlaha Afrika Boroa. **Covid-19 PCR Test** le tšebeliso ea bopaki ba eona e tla `ne e sebetse ha batho ba etela Lesotho ba hlaha linaheng tse kante ho Afrika Boroa le ha ba ea linaheng tseo.

**Sechaba sa Moshoeshe**, ke phethela polelo ena ka ho hopotsa sechaba sa habo rona se phelang le ho sebetsa kante ho naha se tšileng hae nakong ea phomolo ea keresemese le mafelo a selemo hore 'Muso oa bona hae koano o ba lokiselitse ho entela Covid-19. Ka hona bohle ba esong ho ente bae litsing tsa bophelo hohle ka hara naha hoesa enta, 'me beo e bang batla

tsamaea basa atleha batla fumantšoa liente tseo malibohong ohle a naha ea rona.

Ke boetse hape ke tsebisa Basotho bohle ba phelang le ho sebetsa Afrika Boroa hore **Lekala la Bophelo le ntse le buisana le Lekala la Bophelo la Afrika Boroa ho lelokisetsa ho fumana litsebeletso tsa bophelo ka moo ka mosoeu oo ha bonolo.**

**Khotso!!!**

**Pula!!!**

**Nala!!!**